



REPUBLIKA E SHQIPËRISË
KUVENDI
Byroja

V E N D I M

Nr. 10, datë 10.2.2011

**PËR DHËNJEN E MASËS DISIPLINORE NDAJ DEPUTETËVE PAULIN
STERKAJ, SAJMIK TAHIRI DHE ARMANDO PRENGA**

Në mbështetje të nenit 11, pika 5 dhe 65, pika 2 të Rregullores së Kuvendit, Byroja e Kuvendit, në mbledhjen e datës 10.2.2011, pas verifikimit të fakteve se deputetët Paulin Sterkaj, Sajmir Tahiri dhe Armando Prenga në seancën plenare të datës 10.2.2011, edhe pas tërheqjes së vëmendjes nga Kryetarja e Kuvendit, kanë provokuar rrëmujë, kanë penguar zhvillimin e rregullt të seancës plenare, kanë penguar ushtrimin e të drejtës të anëtarëve të Këshillit të Ministrave për të marrë fjalën dhe diskutuar në seancë plenare sikurse parashikohet në nenin 80, pika 2 e Kushtetutës, kanë fyer dhe kërcënuar deputetë të tjerë dhe anëtarët e Këshillit të Ministrave, madje kanë shkuar tek vendi ku po fliste deputeti duke shkukur mikrofonin e tij dhe e kanë goditur fizikisht gjatë mbajtjes së fjalës si dhe kanë ushtruar dhunë ndaj punonjësve të Shërbimit të Sigurisë të Kuvendit, me propozim të 7 deputetëve,

V E N D O S I:

I. Deputetët Paulin Sterkaj, Sajmir Tahiri dhe Armando Prenga, për përdorim të fjalëve fyese, provokim të rrëmujës në seancë plenare që pengon zhvillimin e saj, për pengimin e anëtarëve të Këshillit të Ministrave për të marrë fjalën dhe diskutuar në seancë plenare sikurse parashikohet në nenin 80, pika 2 të Kushtetutës, për përdorimin e dhunës ndaj deputetëve të tjerë, anëtarëve e Këshillit të Ministrave dhe punonjësve të Shërbimit të Sigurisë së Kuvendit, përjashtohen nga pjesëmarrja në punimet e komisioneve të Kuvendit dhe seancës plenare për një periudhë 15 ditore.

II. Masat disiplinore shoqërohen me sanksionin financiar të ndalimit të pagës për 15 ditë. Ato fillojnë të zbatohen prej datës 14.2.2011.

III. Ngarkohet Shërbimi i Sigurisë dhe Sekretari i Përgjithshëm për zbatimin e këtij vendimi.

IV. Ky vendim hyn në fuqi më 14.2.2011.

KRYETARE
Jozefina Topalli (Çoba)

